

員蕭佛而查之回國。圈係以金銀絲紮成花式，花可含電燈泡，圈之中嵌孫先生遺像，周綴以金鑽寶石，光芒四射，聞此項花圈之代價，在廿萬金以上云。

### 大道

南京毀屋開路為迎繼大道，被毀去室廬之居民，無家可歸，微聞多出怨言。一月七日福爾摩斯報發表一短文，曰：『以攔作則』其詞曰：『孫先總理對於行的一項，視與衣食住並重，故其遺著中，計畫甚詳。惜費志以歿，未及實行，國人憾之。今國府諸公，秉承遺志，特築迎繼大道。其意無他，蓋欲以攔作則也。』其意何居，可不言而喻矣。

### 孫盧夫人之生活

香港大光報民國十七年九月廿一廿二兩日之微波載悼

薇生之「孫夫人近狀」一則云：『……悼薇生於前作孫中山

先生軼事一文時，曾一及孫盧夫人與孫總理離婚事。然雖離婚，

而總理於討莫討陳議役後，開府廣州而為非常總統與大元帥

之際，孫盧夫人仍得不時進府謁見。故以名分言，孫盧夫人則為

總理之休妻，以情分言，則孫盧夫人猶不失為落伍之國母也。吾

文之所以逕書曰「孫夫人近狀者」理由即在於是。

總理之與夫人離異也。時在民國二年。其離異之原因，則夫人自維未嘗學問，不足以相厥夫子，致力國事。且其時，民黨方與袁世凱失和，總理亡命東瀛，從事於中華革命黨之組織，以為二次革命之準備。夫人復以年事已高，弗克遠涉重洋，追隨總理，更恐袁氏之痛惡民黨，株及妻孥也。慮茲重重逼迫之環境中，為免除總理之牽累計，為圖謀本人之安全計，遂自動請於總理，願與離婚。蓋夫人雖非富有學識，然而固基督教信徒，且曾一度之檀香山，薰沐於歐風美雨，為日已久，深知男女間絕對有自由離合之權能，因而有此一舉耳。

夫人既自願與總理離異，於是雙方立約於澳之某狀師樓，由總理給回贖養費一次過五千元，并為之構造一屋於澳新花園之側。屋為西式，分兩層，雖非廣大，而四週繞以圍牆，左右前後，遍植花木，蔚為繁蔭。風過處，則芳馨四溢。國母之居，固有異於恒人者矣。

夫人舉子女各一，今之孫哲生先生，即其唯一哲嗣。女適戴恩賽氏，歷充粵中各海關監督，亦政治舞台之要角也。哲生先生與戴氏，每乘便詣澳省視起居，相見之下，夫人輒親為治飲食，製茶菓，殷勤待遇，唯恐子若婿之無得而食者。蓋慈母愛子之心，初無間於長幼與貴賤也。

夫人家中，現除僱用一傭婦外，尚有一管茶為之，持家務。

因夫人篤信基督教，每日均到教堂聽經去。兼之，年逾耳順，垂垂已老，固不宜於經理家庭瑣事也。顧夫人等不須管理家務，而與之所到，則携一竹籃，親購菜餚於榮地街市。衣飾亦至儉樸。任何時皆御黑色之衣，足踏小皮鞋，而步行於長途中。識者輒呼之曰：亞太。夫人聆聲，即笑語相答。但從不許人之以夫人相呼云。

按此種紀載，曾複見於上海經被封禁之硬報。標題爲「孫老夫之入生活」，文末注「老柏寄自澳門」。文之前半，與微波所載者雖多所出入，後半則完全相同。不知老柏是否即悼薇生。若曰是，則一稿改頭換面而兩投，以賣文之道德論，悼薇生似不應出是伎倆。若曰非，則勦襲他人文章，略易面目，便認爲己作，則所謂老柏者，更不免發生人格問題矣。

### 江亢虎在美國賣古名畫

南方大學校長，號稱社會學家之江亢虎氏，自昔年復辟之奸謀敗露以後，即潛赴新大陸，聊爲避跡。無聲無嗅者，於今蓋期年有餘矣。一昨遇友人某君，方新歸自紐約，爲述江氏在美近狀。謂江氏到紐之時，攜有大批中國名人古畫，賃屋陳列，展覽待沽。其中大抵皆前清大內所藏，悉係希世之珍。即如趙子昂八駿堂幅一事，彼邦某富紳，願以美金五萬元相易，而江氏猶居奇未肯脫售。蓋綜計全數價值，當在百萬金以上也。說者謂江氏保奉遜

帝旨意，懷費以求善價者，證以遜帝境况，江氏往事，以及此大批名畫，亦信而有徵焉。信然，則江氏雖復辟未成，貽譏當世，然而任此使命，其獲酬於遜帝者，蓋不貲矣。見十八年二月十五日金鑽續。

### 有數百義女之遜清舉人

福報吉光著「安清玄道之大家輩」步林屋」一則稱：「步林屋先生，號章五，籍直隸，年五十三，爲遜清舉人，國學至爲深邃。所收義女，何慮數百。偶入其門，必有婉妙女郎，依戀膝下。生平最嗜白蘭地酒，飲量之豪，無與倫比。每日晨興，輒持瓶大呼，並以富於刺激性之雪茄辣椒等爲下酒物，日非二瓶不可。若逢勝侶宴會，或珠圍翠繞時，則更開懷暢飲，一舉十觴，宏辯滔滔，了無醉態……」云云。按海上某某數小報，常有步林屋先生之詩文發表，確佳。其所收義女，聞多爲海上有名女伶。讀其所自爲之詩文，已可概見。其爲人如是，在吾輩之眼光視之，固深堪詫怪，而上海社會，無此等奇人以點綴其間，則又不成其爲上海也。

### 王引才投沉五通神之痛快

王引才，前江蘇吳縣縣長也。年已六十餘矣。在任時，嘗將石湖上方山香烟鼎盛之五通神投之河中。此舉甚爲痛快。海上各